

Mál 9/2019

Ár 2019, þriðjudaginn 30. apríl, var haldinn fundur í siðanefnd HRFÍ að Síðumúla 15, Reykjavík.

Fyrir var tekið mál nr. 9/2019

Hundaræktarfélag Íslands

gegn

X

og kveðinn upp svohljóðandi úrskurður.

### I. Málsmeðferð siðanefndar.

Í erindi kæranda Hundaræktarfélags Íslands sem barst siðanefnd 5. mars 2019 er farið fram á úrskurð siðanefndar vegna þess að kærði X hafi gerst brotlegur við grundvallarreglur fyrir félagsmenn í HRFÍ þar sem við skráningu á hvolpum fæddum 16. maí 2018 hafi komið í ljós að tíkin A var ekki með gilt augnvottorð við þörun við rakkann B og var rakkinn ekki heldur með gilt augnvottorð. Auk þess lágu ekki fyrir niðurstöður mjaðmamynda fyrir rakkann. Kæran var send kærða til umsagnar með bréfi dagsettu 18. mars 2019 og honum gefinn andmælafrestur til 20. apríl 2019. Andsvar dagsett 16. apríl barst siðanefnd og var afrit þess sent kæranda til umsagnar. Kærandi svaraði ekki efnislega en bað um að haldið yrði áfram með málið. Siðanefnd taldi að öll gögn er málið senrti væru fram komin og ákvað að taka málið til úrskurðar.

### II. Helstu málsatvik og ágreiningsefni.

Samkvæmt innsendu þörunarvottorði dagsettu 14. janúar 2019 var tíkin A þöruð við rakkann B. Við þörunina voru hvorki tíkin né rakkinn með gilt augnvottorð og ekki lágu fyrir niðurstöður mjaðma- og olnbogamynda rakkans. Hundarnir eru af hundakyninu Labrador retriever og er kærði eigandi rakkans og ræktandi gotsins. Kærandi telur að með þöruninni hafi kærði gerst brotlegur við grundvallarreglur fyrir félagsmenn í HRFÍ. Svarbréf dagsett 16. apríl barst siðanefnd frá lögmanni kærða. Þar kom fram að ekki hafi verið ætlunin að þessi þörun ætti sér stað og um slysgot hefði verið að ræða og kærði gerði sér fulla grein fyrir því að reglur hefðu verið brotnar. Í bréfi lögmannsins var einnig tilgreint að kærði hefði ætíð haft stefnu HRFÍ í heiðri og dýravernd, rétt meðferð og góður aðbúnaður ætti hug hans allan. Þá fer lögmaðurinn fram á það að ekki verði gerð refsing í málinu og óskar eftir því að málinu verði vísað frá eða fellt niður.

### III. Forsendur.

Samkvæmt grundvallarreglum fyrir félagsmenn í HRFÍ skulu félagsmenn er nota hunda sína til ræktunar vera trúir ræktunarstefnu HRFÍ og nota aðeins til ræktunar viðurkennda hunda og vera vel að sér um það ræktunarmarkmið sem gildir fyrir viðkomandi kyn. Félagsmönnum ber ennfremur samkvæmt grein 2.6. að vera með gild vottorð fyrir þörun um heilsufarsskoðun. Samkvæmt reglugerð um skráningu í ættbók, nánar tiltekið kafla VI. sem hefur að geyma reglur sérdeilda varðandi undaneldisdýr segir um tegundina Labrador retriever:

Augnvottorð: Vottorð má ekki vera eldra en 18 mánaða við þörun.

Greinist hundur með arfgenga vaxandi sjónurýrnun (PRA) fást hvolpar undan honum ekki ættbókarfærðir. Hundurinn, foreldrar og afkvæmi hans eru sett í ræktunarbann.

Mjaðma- og olnbogamyndir: Undaneldisdýr skulu mynduð og niðurstaða kunn fyrir þörun. Greinist hundur með mjaðma- og/eða olnbogalos D eða E verða afkvæmi hans ekki skráð í ættbók. Afkvæmi hunda sem báðir eru með C olnboga eða C mjaðmir fást ekki skráð í ættbók.

Eftirtaldar tegundir: Labrador retriever, Chesapeake Bay retriever, Nova Scotia Duck Tolling retriever og Golden retriever verða að hafa undirgengist DNA próf gagnvart PRA til að hvolpar fái skráðir í ættbók HRFÍ.

Óheimilt er að para saman hunda sem greinst hafa sem PRA berar. Heimilt er þó að para hund sem hefur greinst sem PRA beri svo framanlega að hinn hundurinn sé PRA hreinn (Normal clear N/C, Normal clear by parentage N/C/P).

Eftirfarandi gildir um Golden retriever: Öll undaneldisdýr skulu DNA prófuð fyrir prcd - PRA og GR\_PRA1 og greiningin sé Normal/Clear (N/C) eða séu sannanlega ekki sýkt vegna erfða frá foreldrum, Normal/Clear by parentage (N/C/P).

Eftirfarandi gildir um Golden retriever: Öll undaneldisdýr skulu DNA prófuð fyrir GR\_PRA1 og GR\_PRA2 og greiningin sé Normal/Clear (N/C) eða séu sannanlega ekki sýkt vegna erfða frá foreldrum, Normal/Clear by parentage (N/C/P).

*Eftirfarandi gildir um aðrar tegundir innan tegundahóps 8:*

Greinist hundur með arfgenga vaxandi sjónurýrnun (PRA) fást hvolpar undan honum ekki ættbókarfærðir. Hundurinn, foreldrar og afkvæmi hans eru sett í ræktunarbann. ma reglur sérdeilda varðandi undaneldisdýr segir um tegundina Labrador retriever:

Óumdeilt er samkvæmt gögnum málsins að tilskilin vottorð lágu ekki fyrir við þörun en slík vottorð eru gögn sem eru áskilin um heilsufarsskoðun hundakynsins og mikilvægt að þau liggja fyrir við þörun til þess að tryggja sé að hundurinn beri ekki með sér erfðagalla eða sjúkdóma. Það er alfarið á ábyrgð ræktanda að sjá til þess að hundarnir parist ekki fyrir slysi og það breytir ekki brotinu að hundarnir hafi staðist skoðun eftirá, það var ekki fyrirséð og telst kærði því vera brotlegur við grundvallarreglur fyrir félagsmenn í HRFÍ.

Kærði X telst hafa gerst brotlegur gegn grundvallarreglum fyrir félagsmenn í HRFÍ.

Kærði er áminntur.

F.h. siðanefndar

---

Kristín Fjóla Fannberg

---

Guðrún Margrét Baldursdóttir

---

Kristín Sveinbjarnardóttir